

# AD CARDINALITIAM.

274

## QVÆSTIO MEDICA.

### MATVTINIS EXAGITANDA DISPUTATIONIBVS IN SCHOLIS

Medicorum die Iouis 5. Martij clarissimo viro D. M. Ioanne Groust doctore

Medico, moderatore prudentissimo.

An medicamentorum facultas dicata partibus manifesta?

**R**acultas medicamentorum, quæ humani corporis temperiem et consistentiam immutat, non actione tantum et experientia dignoscitur, sed etiam ratione, quæ facultatis eius principia temperamentum, et materiam, in singulis medicamentis diiudicat ministerio sensuum: ex ijs non satis fides odoratus, visus autem incertissimus, aliqui coloris index idoneus et charactæris, quo nulla medicamentorum natura ostenditur; Temperiem in actu tactus accurate discernit, huius vicem subit gustus, quo sapor, ex sapore temperamenti in futuro qualitas, et quantitas definitur: distincta quoque, à temperamento consistentia fideliter exploratur.

**P**orro consistentia ex mole ac corpore elementorum conflata, tenuis vel crassa est: ignea in acribus, et aromaticis: aëria in pinguibus, lentis, dulcibus. Terrena in amaris, salsis, adstringentibus: aquea in acidis, et inspidis: unde præter eas, quæ à solo temperamento prodeunt, innumera facultates medicamentorum ortæ intelliguntur: A tenui consistentia, attenuans, incidens: ab eadem sed terrestri, detergens: ab aëria vel aquosa tenuitate, molliens, laxans, quibus opponuntur incrassans, emplastica, indurans, adstringens, ac huius maxime quidem frigida temperies est, crassa vero et terrestris materia.

**A**lisdem nascuntur principijs, et iisdem patent indicijs, facultates dicata partibus, ipsarumque partium proprijs affectibus, actionibus, symptomatis. Cephalica, epileptica, in alces et asina ungulis aequales, artheriaca, bechica, pleuritica in diacodio non minores, quam in rubri papaveris pulvere, aut frupo; hepatica, in hepate lupi non valde insignes, stomachica in mergi et gallina stomacho fallaces, Cardiacæ in margaritis, et lapide bezoar non eximia, splenitica, nephritica, diuretica, vretica, eadem ac lithomtryptica: hæc speciosa titulo, effectu prorsus inanes, hysterica, ad quas abortiva pertinent, quæ nunquam præscribenda gravidis etiam periclitantibus, nisi emittenti fœtus, aut emortui certissima sint argumenta.

**H**arum facultatum non una simplexque natura est, sed ex diuersis plerumque contrarijs principijs composita, ut partium tenuitate incidant, attenuent, detergeant, humorem crassum, viscidum, frigidamque intemperiem aequali caloris gradu corrigant, vel contra pro varietate morborum quibus pars unaquæque obnoxia est, simulque ad partium affectarum naturam, sensum, situm, figuram probe comparata, earum tonum tueantur, non exoluant, et relaxent quin potius firment, et robovent adstringendo, in quo particularium remedium laus præcipua consistit, eorum præsertim, quæ necessarijs et nobilioribus organis addicuntur.

**V**nde stachas capiti, et pæonia radix sacro eius morbo consecrata leuiter adstringit, subamara, glycyrrhiza pulmonis et arteriæ asperitates lenit cum adstrictione, radix centaurij magni bechica, gustui acris, simul adstringens apparet: Tormentilla, scabiosa, grani insectorij, hypocythidis siccitas non mordax: scordij, melissa, rosarum, cardui amaritudo modice detergens, adstrictionis comes, cardiaca, cuius naturæ expertes aquæ omnes stillantia, cardialgica, cortex capparis spleniticus, acris, et acerbus, vna passa et nostrates icoris delicia, subaustera, hepatis anima rheum linguâ contrahit, spica nardi et aloë stomachica stypticaque est: Renes inuat et roborat terebinthina, non abietina resina, quæ in officinis pro terebinthina falso vanit, ladanum resoluens molliens, concoquens, vteri tumoribus peculiariter convenit, quandoquidem paululum adstrictionis obtinet.

Ergo medicamentorum facultas dicata partibus manifesta.

Proponebat Nicolaus Pietre Parisinus anno domini. 1598.

medicamentorum facultas  
dicata partibus de semper  
adstringit. Iste, qui quibus  
illorum tonus firmatur et  
roboretur adstringendo, ut patet  
inductione facta p. illa ora  
modice, quæ huius partibus  
dicata eviduntur.

